



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ
FOREIGN TRADE CHAMBER OF BOSNIA AND HERZEGOVINA



Sarajevo, 04.12.2025. godine

Broj: 06-06-2-1345/25

Predmet: Poziv na dvodnevnu radionicu

Poštovani/a,

Vanjskotrgovinska/Spoljnotrgovinska komora Bosne i Hercegovine (VTK/STK BiH) organizuje dvodnevnu stručnu radionicu za predstavnike poslovne zajednice u Bosni i Hercegovini na temu:

„Moderno upravljanje ljudskim resursima: AI + HR“

Radionica je namijenjena unapređenju znanja i kompetencija u oblasti savremenog upravljanja ljudskim resursima, s posebnim fokusom na stratešku ulogu HR funkcije u savremenom poslovanju, primjenu umjetne inteligencije u HR procesima, razvoj organizacione kulture te jačanje održivog i društveno odgovornog pristupa upravljanju ljudskim potencijalima.

O značaju savremenog pristupa upravljanju ljudskim resursima govori i jedan od voditelja radionice, Jasmin Hasančević, direktor ICC-a BiH:

„Afirmacija modernih službi za ljudske resurse (HR) u današnjem poslovnom okruženju više nije stvar prestiža, već strateški prioritet za opstanak i rast svake organizacije. U kontekstu dvodnevne radionice u VTK Sarajevo, važno je naglasiti da HR više nije samo ‘administracija’, već ključni pokretač inovacija. Glavni cilj rada modernih službi za ljudske resurse više nije samo kontrola zaposlenika, već stvaranje sistema u kojem su ciljevi kompanije i potrebe pojedinca usklađeni. U eri digitalne transformacije, uloga HR profesionalaca prolazi kroz temeljne promjene. Ova dvodnevna radionica osmišljena je, također, kao odgovor na savremene tržišne izazove, pružajući sudionicima konkretna znanja i alate kako integrisati umjetnu inteligenciju u svakodnevne procese – od zapošljavanja i selekcije kandidata do analitike podataka i povećanja angažmana zaposlenika.“

Radionica će biti održana u Sarajevu, 15. i 16.01. 2026. godine, u prostorijama Vanjskotrgovinske komore Bosne i Hercegovine. Edukacija će se realizirati u periodu od 09:00 do 16:00 sati.

Kotizacija za učešće na radionici iznosi 350KM (sa uključenim PDV-om). Za kompanije koje plaćaju članarinu VTK/STK BiH odobren je popust od 10%.

U cijenu su uključeni: stručna predavanja, prezentacije sa radionice, certifikat o učešću, kafe pauze i ručak.

Zainteresirani učesnici prijavu vrše putem online prijavnog obrasca, najkasnije do 12. januara 2026. godine do 12:00 sati. Broj učesnika ispred jedne kompanije nije ograničen.

Nakon izvršene prijave, učesnicima će biti dostavljene informacije za uplatu kotizacije.

Prijavu možete izvršiti [ovdje](#).

Šta je cilj radionice?

Cilj radionice je:

- unaprijediti razumijevanje savremenih koncepata upravljanja ljudskim resursima u kontekstu digitalne transformacije
- predstaviti mogućnosti primjene umjetne inteligencije u HR procesima (selekcija, razvoj zaposlenih, upravljanje učinkom i dr.)
- osnažiti ulogu HR-a kao strateškog partnera menadžmentu
- ukazati na značaj organizacione kulture, mentalnog zdravlja zaposlenih i održivog razvoja
- omogućiti razmjenu iskustava i dobrih praksi između učesnika iz različitih sektora

Kome je radionica namijenjena?

Radionica je namijenjena:

- direktorima i članovima uprava
- HR profesionalcima i menadžerima
- rukovodiocima organizacionih cjelina
- stručnjacima uključenim u procese upravljanja ljudskim potencijalima

Šta će učesnici moći nakon odslušane radionice?

Nakon odslušane radionice učesnici će:

- razumjeti savremene koncepte i trendove u oblasti upravljanja ljudskim resursima u kontekstu digitalne transformacije i primjene umjetne inteligencije
- steći praktična znanja o primjeni AI alata u ključnim HR procesima, uključujući zapošljavanje, razvoj talenata, upravljanje učinkom i planiranje radne snage
- unaprijediti sposobnost strateškog pozicioniranja HR funkcije kao partnera menadžmentu u ostvarivanju organizacijskih ciljeva
- razumjeti ulogu HR-a u razvoju organizacione kulture, jačanju angažmana zaposlenih i očuvanju mentalnog zdravlja na radnom mjestu
- steći smjernice za razvoj inkluzivnih, etičnih i održivih HR praksi, u skladu sa savremenim standardima i društvenom odgovornošću
- razumjeti pravne i etičke aspekte primjene umjetne inteligencije u HR-u, uključujući pitanja zaštite podataka i usklađenosti sa relevantnim propisima
- steći uvid u buduće trendove i izazove u oblasti ljudskih resursa, te osnažiti kapacitete za prilagođavanje organizacija promjenama na tržištu rada

Ko su predavači?

Predavači su:

- Jasmin Hasančević, direktor ICC-a BiH, konsultant za razvoj tržišta, korporativno upravljanje i upravljanje ljudskim resursima, sa više od 25 godina profesionalnog iskustva i značajnim angažmanom na međunarodnim projektima i edukacijama.
- Miša Pavićević, direktor Elite Academy Balkans, sa dugogodišnjim iskustvom u upravljanju multinacionalnim kompanijama i razvoju lidera na regionalnom tržištu.
- Adnan Lugavić, inženjer elektrotehnike, AI konsultant i developer, specijalizovan za razvoj naprednih AI rješenja u oblasti dobrobiti zaposlenih, HR automatizacije i inteligentnih sistema podrške.
- Mirsad Zonić, softver inženjer i direktor Agencije Zonic Design, specijalizovan za razvoj i implementaciju savremenih digitalnih i AI rješenja u poslovnim sistemima.

Specijalni gosti:

- Jelena Mitić - Vertex People Strategy- Beograd
- Enes Hukić – IT kompanija ITILLA - Tuzla

Kontakt za više informacija

Za više informacija možete nam se obratiti putem mejla edukacija@komorabih.ba ili pozivom na brojeve telefona 033/566-206 i 033/566-200.

S poštovanjem,

Sabrina Teskeredžić
Institut za edukaciju VTK BiH
Direktorica

U prilogu: Program radionice

PROGRAM

„Moderno upravljanje ljudskim resursima AI + HR“

Vanjskotrgovinska komora BiH, Sarajevo, 15. i 16.1.2026.godine

Adresa: Branilsava Đurđeva 10

Vrijeme	15.1.2026.godine Tema/Sadržaj/Aktivnost
09:00 – 11:00	- Nova arhitektura HR-a/ HR kao partner u razvijanju organizacione kulture/ - Mentalno zdravlje i zadovoljstvo zaposlenih/ Liderstvo i razvoj/ EU standardi.
11:00 – 11:15	Pauza za kafu/osvježenje
11:15 – 13:00	Održivo upravljanje ljudskim resursima/ Budućnost HR-a.
13:00 – 14:00	Ručak
14:00 – 15:30	Hands-on radionice sa temama prvog dana radionice
15.30-16:00	Panel diskusija/ Pitanja/ Impresije prvog radnog dana radionice
Vrijeme	16.1.2026.godine Tema/Sadržaj/Aktivnost
09:00 – 11:00	- Uloga tehnologije u upravljanju ljudskim resursima - Umjetna inteligencija u ravoju ljudskih resursa - Umjetna inteligencija u zapošljavanju i akviziciji talenata....
11:00 – 11:15	Pauza za kafu/osvježenje
11:15 – 13:00	- Upravljanje talentima u digitalnom dobu - Podaci i analitika u HR-u - Učenje i razvoj – Personalizirani programi obuke i preporuke za razvoj vještina zasnovane na umjetnoj inteligenciji...
13:00 – 14:00	Ručak
14:00 – 15:30	Hands-on radionice sa primjerima upotrebe umjetne inteligencije u HR-u
15.30-16:00	Panel diskusija/ Pitanja/ Impresije drugog dana radionice/ Dodjela certifikata

